



官版

帝鑑圖說

四

9
3303
4 6



9
3308
4



唐史紀憲宗嘗與宰相論治道於延英殿日旰暑甚汗透御服宰相恐上體倦求退上留之曰朕入宮中所與處者獨宮人近侍耳故樂與卿等且共談爲理之要殊不知倦也

解唐史上記憲宗勵精圖治嘗與宰相講論治天下之道理於延英殿直到日暮尚未還宮天氣又甚暑熱汗透了上所尚的袍服宰相李絳裴度恐上御體勞倦因求退出憲宗留之說道朕回到宮中所與相處者不過是宮女及左右近侍耳安得對賢士聞正言所以每日喜與卿

唐史紀事本末




去五味均平藏





延英忘倦




等且共談論爲治的要務甚是有益不知疲倦也夫人君一日之間事有萬幾須是常常接見賢臣從容講論方得停當所以堯舜之時君臣一體都俞吁咈于一堂之上文王自朝至于日中昃不遑暇食萬世稱爲聖明之君今觀憲宗之勤政如此亦可謂知君道者宜其能削平僭亂所向歸服有光于前烈也

唐史紀吳元濟反淮西憲宗命發兵討之是時諸道節度使及宰相李逢吉皆與元濟交通多請罷兵惟裴度力主討賊之議上曰吾用度一人足破

此賊遂以度爲相師累歲無功度請自詣行營上許之度陛辭言曰臣若滅賊則朝天有期賊在則歸闕無日上爲之流涕解通天御帶以賜之度至淮西身自督戰由是諸將効力李愬夜襲蔡州擒元濟淮西遂平韓愈奉詔撰平淮西碑曰凡此蔡功惟斷乃成

解唐史上記淮西節度使吳元濟造反憲宗命將發兵去征勦他當時諸道節度使多有元濟的黨與朝中宰相李逢吉也與元濟交通多替他遊說秦請罷兵惟有御史中丞裴度曉得淮




西決然可取力勸憲宗討賊憲宗說我只消用
裴度一人就足以破此賊決不罷兵遂用裴度
做宰相討賊甚急出兵已經一年還未見成功
裴度自願親往淮西營裡督戰憲宗大喜就命
他充淮西宣慰招討使裴度臨行辭朝面奏說
臣此去若能滅賊纔有回來朝見之期若此賊
不滅臣義主必死終無歸闕之日矣憲宗聽說
不覺為他流涕因解自家桑的通天犀帶一條
賜他以寵其行裴度既到淮西宣諭朝廷的威
令催諸將進兵討賊於是諸將人人効力每戰

裴桑恐誤


有功遂擒元濟淮西用兵凡累年而不克群臣
請罷兵者甚眾若非憲宗之明獨斷於上裴度
之忠力贊於下則淮西幾無成功矣所以韓愈
奉詔撰平淮西碑文紀功其詞有云凡此蔡功
惟斷乃成蓋美憲宗之能斷而成功也然則人
君欲定大事建大功豈可以不斷哉

唐史紀穆宗見翰林學士柳公權書跡愛之問曰
卿書何能如是之善對曰用筆在心心正則筆正
上默然改容知其以筆諫也



柳公權

論字知諫




唐穆宗

帝鑑圖說四
權寫的字好愛之問說卿寫的如何能這等好
公權對說寫字雖在手用筆實在心心裏端正
則筆畫自然端正公權是箇賢臣因穆宗問他
書法就說在心上見得凡事都從心裏做出來
况人君一心萬化本源若不是涵養的十分純
正發出來的政事豈能一一停當合理這正是
以筆諷諫穆宗是箇聰明之君就知他是以筆
諫聞之默然改容起敬可謂善悟矣若能體貼
此言真真實實務正其心常用著柳公權這樣
人做輔弼之臣少有闕失隨事箴規豈不成一

代之明君乎


唐史紀宣宗嘗以太宗所撰金鏡錄授翰林學士
令狐絢使讀之至亂未嘗不任不肖治未嘗不任
忠賢上止之曰凡求致太平當以此言爲首又書
貞觀政要于屏風每正色拱手而讀之

解唐史上記宣宗有志法祖圖治他的祖太宗
曾將前代治亂興亡的事跡編成一書叫做金
鏡錄宣宗一日將這部書授與翰林學士令狐
絢著他在面前誦讀這書中有兩句說道亂未
嘗不任不肖治未嘗不任忠賢說古來天下因



甚麼就亂亡。只爲朝廷錯任用了那不好的人。他心心念念罔上行私行的都是蠹國殃民的事。用了這樣人。天下安得不亂。天下因甚麼就平治。只爲朝廷能任用著那忠良之臣。他心心念念竭忠事主行的都是要福國利民的事。若常用這樣人。天下安得不治。宣宗聽得令狐綯讀到這兩句言語。喜其切中事理。就止住他。且莫讀。說道大凡人君要求致太平。須要把這兩句說話做第一件緊關的事。著實審察辨別。其孰爲君子。孰爲小人。果然是奸邪的小人就當

斥遠了他。果然是忠賢的君子。就當專心信任他。天下豈有不太平的道理。又見他先朝有貞觀政要一書。是當年史臣吳兢編載太宗與賢臣魏徵等圖治的事蹟。遂把來寫在屏風上。常時正色拱手一一誦讀。蓋以爲師法而效倣之也。夫觀宣宗留心法祖圖治其切如此。真近代帝王盛事。所以當時稱爲小太宗。豈虛也哉。唐史紀宣宗樂聞規諫。凡諫官論事。門下封駁。苟合於理。常屈意從之。得大臣章疏。必焚香盥手而讀之。




焚香讀疏

唐宣宗

解唐史上記宣宗勵精求治樂聞臣下箴規諫
諍之言凡諫官議論政事及門下省給事中等
官遇詔勅之出以爲不可而論駁封還者苟所
論所駁有合於理則自己雖以爲是亦每屈已
意以從之未嘗偏執每得大臣所奏的章疏必
焚香洗手致其誠敬而後展讀夫忠言逆耳庸
主所不樂聞然使規諫嘗聞則政事無缺實可
樂也宣宗樂於聞諫屈於從人可謂明矣至於
大臣涉歷既多慮事尤熟又非庶官之比故讀
其章疏必加誠敬蓋誠敬則精神收斂精神收

斂則意見精詳可以察其言之當否以爲施用
非徒敬其章疏而已也宣宗圖治若此故大中
之政人思詠之以爲繼美太宗豈不足爲賢君
哉

宋史紀太祖尊母南郡夫人杜氏爲皇太后太祖
拜殿上群臣稱賀后愀然不樂左右進曰臣聞母
以子貴今子爲天子胡爲不樂后曰吾聞爲君難
天子置身兆庶之上若治得其道則此位可尊苟
或失馭求爲匹夫不可得是吾所以憂也太祖再
拜曰謹受教




解宋史上記太祖既卽帝位尊母杜氏爲皇太后太祖拜上尊號羣臣皆稱賀太后愀然有憂愁不樂之色左右之人問說臣聞母以子貴今子旣爲天子太后爲天子之母其貴無以加矣何故反有不樂太后說吾聞古人說爲君難蓋爲天子者置其身於億兆衆庶之上若治之有道則民皆愛戴而尊位可以常保儻或治失其道以致兆庶離叛則雖求爲匹夫亦不可得矣今我子雖爲天子吾方憂天位之難居豈可以爲樂乎太后這說話雖是告羣臣實有儆戒太


祖之意故太祖卽再拜謝說謹當受教自是卽位之後夙夜畏懼室慾防非重道崇儒緩刑尚德以忠厚立國推赤心置人故能削平僭亂創業垂統於戲若宋太祖者可謂大孝矣

宋史紀王全斌之伐蜀也屬汴京大雪太祖設帷幃于講武殿衣紫貂裘帽以視事忽謂左右曰我被服如此體尚覺寒念征西將士衝冒霜雪何以堪處卽解裘帽遣中使馳賜全斌仍諭諸將曰不能徧及也全斌拜賜感泣故所向有功

解宋史上記太祖遣大將王全斌帥師征蜀時



解裘賜將





宋太祖

冬月天寒京城大雪太祖設氊幃于講武殿中
身穿著紫貂裘頭戴著紫貂帽臨朝視事忽然
謂左右說我穿戴這般樣溫暖的物身上尚覺
寒冷想那西征的將士衝冒霜雪又無有這樣
衣服怎麼當得這等寒冷卽時將所服的裘帽
解下遣中使馬上賫去賜與全斌又曉諭他部
下的將士說諸將寒苦朝廷無不在念奈裘帽
有限不能人人徧及也于是全斌拜受賜物感
激淚下諸將亦皆感激相與戮力圖報故所向
皆捷卒能平定西蜀夫宋太祖有解衣之恩及

於將帥遂能得其死力成功如此可見人主要
邊將成大功不可不體其情厚其賞以勸之也
宋史紀太祖嘗見蜀主孟昶寶裝溺器命撞碎之
曰汝以七寶飾此當以何器貯食所爲如是不亡
何待

解宋史上記太祖平蜀之後曾見蜀主孟昶有
一箇溺器是七樣寶貝裝成的太祖見了大怒
命左右打碎之說道七寶是珍貴之物就做飲
食之器也是奢侈不該的汝却把來裝飾溺器
不知又用何等的器皿去盛飲食其侈用暴殄





一至於此。欲家國不至敗亡，豈可得乎？夫太祖爲創業之君，其言真足以垂戒萬世。人君推此件件都該崇尚樸素，乃爲愛惜福祿，保守國家之道也。

宋史紀太祖徵處士王昭素爲國子博士，召見便殿，年七十餘矣。令講乾卦，至九五飛龍在天，昭素援引證據，因示諷諫微旨。太祖大悅，問治世養身之術，對曰：治世莫若愛民，養身莫若寡慾。太祖愛其言，書于屏几。

解宋史上記太祖之時有箇處士姓王名昭素。

太祖素知他有學行，徵聘他來做國子監博士。既至，召他進見於便殿。此時昭素年七十餘歲矣。太祖命他講易經的乾卦，至第五爻飛龍在天，乃是人君之象。昭素講論君道，援引古時帝王以爲證據，遂陰寓諷勸諫的意。太祖見他忠直，大喜悅。他就問他治天下與養身的道理。昭素對說：治天下莫如愛恤百姓，養身體莫如寡少嗜慾。蓋民爲邦本，本固則邦寧。故治國之道，莫如愛民也。慾爲身害，慾少則身安。故養身之道，莫如寡慾也。太祖愛他，說得有理，將這兩




句言語書于屏風及几案上。欲時時警省不致遺忘也。然寡欲愛民固皆致治之要。而寡欲一言又爲愛民之本。蓋自古百姓不安皆因人主多欲。或好興土木。或恣意聲色。或妄開邊釁。或求珍奇玩好之奉。或耽馳騁遊幸之娛。此等苦皆不免傷民之財。勞民之力。上之所欲無窮。下之所需難繼。以致海內騷然。百姓怨叛。而君身不可保矣。以是知人主必愛身乃可以愛民。而安百姓亦所以安其身也。

宋史紀永寧公主嘗衣貼綉鋪翠襦入宮中。太祖謂曰。汝當以此與我自。今勿復爲此飾。公主笑曰。此所用翠羽幾何。太祖曰。不然。主家服此。宮闈戚里必相效。京城翠羽價高。小民逐利。展轉販易。傷生浸廣。實汝之由。汝生長富貴。當念惜福。豈可造此惡業之端。公主慙謝。

解宋史上記太祖的女永寧公主曾穿一領貼金鋪翠的襦。襦短衣也入宮中。太祖嫌其奢侈。向公主說道。汝可解此襦。與我自。今以後再不要如此裝飾。公主笑說。此襦所用翠羽幾多。而官家以爲過費。太祖說道。我之意非專爲汝一

行盤圖說四


行



戒主衣翠

帝鑑圖說四


戒



襦而惜也。主家既穿此衣，宮中妃嬪及皇親貴戚，每看見必都相倣效。所用翠羽必多，京城中翠羽之價必貴。百姓每逐利，見此物可以取利，必然都去捕捉那翠鳥，展轉販賣，殺生害命，皆汝此衣有以致之。其罪過多矣。汝生長富貴，不知艱苦，須當思愛惜受用，以圖長久。豈可造此惡業之端，自損己福耶？公主見太祖說得激切，乃惶恐謝罪。夫宮闈之好尚，係四方之觀法。古語說道：宮中好高髻，四方高一尺；宮中好廣袖，四方且半額；宮中好大袖，四方至足帛。言好尚

之不可不慎也。若宮闈之中，服飾華麗，用度奢侈，則天下化之，漸以成風。壞風俗，耗財用，折福損壽，其害有不可勝言者矣。豈但如宋祖所謂戕害物命而已哉！大抵創業之君，閱歷艱辛，唯恐享用太過，後世子孫且有鄙而笑之者矣。吁，可不戒哉！


宋史紀太宗勤于讀書，自己至申，然後釋卷。詔史館修太平御覽一千卷，日進三卷。宋琪以勞瘁爲諫，帝曰：開卷有益，不爲勞也。朕欲周歲讀遍是書耳。每暇日，則問侍讀呂文仲以經義，侍書王著以



筆法葛湍以字學

解宋史上記太宗勤于讀書每日從巳時看書起直到申時然後放下書卷詔史館儒臣采輯古今事蹟纂修成一書叫做太平御覽共有一千卷每日進二卷太宗觀覽日日如此其臣宋琪以看書勤苦恐勞聖體爲勸太宗說天下古今義理盡載書卷中但開卷觀看就使人啟發聰明增長識見極有進益雖每日讀書自是心裡喜好不爲勞苦也朕要一年之內讀完這一千卷書故須一日三卷乃可讀完耳每遇閒暇

無事日還不肯錯過就召翰林侍讀呂文仲問他以經書上的義理召侍書王著問他以寫字的筆法召葛湍問他以字學訓解夫自古聖人雖聰明出于天賦莫不資學問以成德蓋古今治亂興衰天下民情物理必博觀經史乃可周知必勤于訪問乃能通曉故明君以務學爲急正爲此也觀宋太宗勤學好問不以爲勞苦此其能爲太平令主而弘開文運之盛有由然哉宋史紀寇準爲樞密直學士嘗奏事殿中語不合太宗怒起準輒引帝衣請復坐事決乃退太宗嘉



引衣容直

宋太宗

冠準

帝金圖說四

三



帝鑑圖說四
之曰朕得寇準猶文皇之得魏徵也

解宋史上記宋太宗以寇準爲樞密院直學士寇準爲人忠直敢言一日奏事殿上不合太宗的意思太宗發怒起去欲罷朝回宮寇準卽上去扯住太宗的袍服請太宗復還御座決斷其事務要聽其言纔罷太宗見他這般鯁直反嘉美他說道朕得寇準如唐太宗之得魏徵也夫入臣奏事忤旨至於牽引上衣以盡其說爲君者若不諒他忠直之心必以爲不敬而怒斥之矣今太宗不惟不斥且歎美之其容人之度如

此所以能使臣下盡言政事少過而爲宋之賢君也如太宗者其無愧於文皇矣

宋史紀仁宗初年宰相王曾以帝初卽位宜近師儒乃請御崇政殿西閣召侍講學士孫奭直學士馮元講論語初詔雙日御經筵自是雖隻日亦召侍臣講讀帝在經筵或左右瞻矚及容體不正奭卽拱立不講帝爲竦然改聽


解宋史上記仁宗初年宰相王曾以帝新卽位當親近師儒之官讀書勤學以涵養聖德乃請臨御崇政殿西閣召侍講學士孫奭直學士馮




元進講論語起初定以雙日御經筵後來以學問不宜間斷雖是單日也召侍臣講讀帝在經筵講讀時或偶然左右觀看別處或容體少有不端孫奭卽端拱而立停住不講蓋恐帝心不在書上雖講無益也仁宗見奭這等誠懇那怠惰的意思卽時收斂爲之竦然改聽夫仁宗天資本是粹美又有賢宰相輔導向學當時講官復盡心開發一些不肯放過仁宗能敬信而聽從之所以養成盛德恭儉仁恕始終如一而爲有宋一代之賢君也

宋史紀龍圖閣學士孫奭嘗畫書無逸爲圖以進上命施於講讀閣及作邇英延義二閣成又命蔡襄寫無逸篇于屏

解宋史上記仁宗時有龍圖閣學士孫奭日侍講讀每至前代治亂必反覆規諷嘗取書經無逸篇中所載古帝王勤政恤民的事蹟畫作一圖叫做無逸圖進上仁宗欲其知所法也仁宗喜之命掛在講讀閣裡日日觀覽其後新造邇英延義二閣成又命館閣校勘蔡襄把無逸一篇寫在一閣之屏上使隨處皆得觀覽夫無逸



受無逸圖



宋仁宗

無逸
周公曰嗚呼君子所其無逸先知稼穡之艱難乃逸則知小人之依相小人厥父母勤勞稼穡厥子乃不聞稼穡之艱難乃逸乃諂諛否則侮厥父母曰昔之人無聞知周公曰嗚呼我聞曰昔在殷王中宗嚴恭寅畏天命自度治民祗懼不敢荒寧肆中宗之享國七十有五年其在高宗時舊勞于外爰暨小人作其即位乃或亮陰三年不言其惟不言言乃雍不敢荒寧


蔡襄

一書乃周公告成王的說話太意欲成王知稼穡勤政事兢兢業業不敢自安能如此則福祚綿長不如此則壽命短促因舉商中宗高宗祖甲周太王王季文王以爲法商紂以爲戒其言深切懇至實萬世人主之龜鑑也仁宗旣受孫奭之圖又命蔡襄書之蓋必有味其言矣則其觀後苑之麥忍中夜之飢孰非自此書中得焉所以明君以務學爲急

宋史紀仁宗宮中頗好珠飾京師珠價騰涌上患之一日上在別殿妃嬪畢集所幸張貴妃至首飾

皆珠上望見舉袖掩面曰滿頭白紛紛地沒些忌諱貴妃慙起易之上乃悅自是禁中更不戴珠珠價大減

解宋史上記仁宗時宮中人好以珠爲首飾採買者多因此京師中珍珠登時長起價來仁宗恐宮中相尚不已風俗趨於侈靡思量要革他一日在別殿上游賞諸妃嬪每都在左右有箇寵幸的張貴妃到來頭上的首飾都是珍珠仁宗望見故意把袖子遮了臉不看他說道滿頭插得白紛紛地近放不祥之象好沒些忌諱張




不喜珠飾

貴妃慙愧慌忙退去。摘下珍珠首飾，換了別樣首飾來。仁宗方纔喜悅。從此宮中人只說仁宗厭忌此物，再不敢戴。他京師裡珠價登時大減。夫珠玉珍寶，飢不可食，寒不可衣，而銖兩之間，其價不貲，糜費民財，以供一時之玩，何益於用。故明君貴五穀而賤珠玉，蓋不以無益害有用也。然亦係於人主之好尚，何如觀仁宗一言而珠價頓減，豈待於法制令哉。

宋史紀仁宗時，王德用進一女子，王素論之，上笑曰：朕真宗子，卿王旦子，有世舊，非他人比。德用實進

女，然已在朕左右，奈何。素曰：臣之憂正恐在陛下左右耳。上動容立命宦官遣女。素曰：陛下既不棄臣言，亦何遽也。上曰：朕若見其人，留戀不肯行，恐亦不能出矣。頃之宦官奏：宮女已出內東門，上乃起。

解宋史上記仁宗時，王德用判定州，曾取兩箇女子獻入後宮，以悅仁宗之心。仁宗就收留在後宮。這是仁宗差處。那時諫官王素聞知，即奏此女不可收留，勸仁宗去之。仁宗笑對王素說：朕乃真宗之子，卿乃宰相王旦之子，卿父輔佐




納諫遣女



我父皇君臣相得則朕與卿有世好之舊與別的羣臣不同只得實與卿說這兩箇女子委的是王德用進的但朕已誤納現在左右服事了女何去得王素奏說陛下以此女在左右爲不可去不知臣之所憂正恐此女在陛下左右蠱惑聖心有累聖德所以勸陛下去之耳仁宗一聞此言遂自悟其失竦然動容即時命宦官放發一女子出宮王素奏說陛下既已聽臣言少待陛下還宮從容遣之亦無妨何必如此急遽仁宗說道待我還宮時萬一此女有留戀不肯去

的意思我那時爲情所牽恐亦遣他不成了不如趁今遣之爲易少時宦官來奏一女子已出內東門去訖仁宗方纔退朝夫宮禁之事乃人主之所諱言而房帷之愛又人情之所牽戀今仁宗既納一女子已經進御一旦聞王素之諫卽開誠直告略無回互割捨所愛不少遲留可謂從諫之速而改過之勇矣此真盛德事也


宋史紀仁宗幸龍圖天章閣以手詔問輔臣及御史中丞以上時政闕失皆給筆札令卽坐以對時翰林學士張方平條對四事帝覽奏驚異明日夏



天章召見

宋仁宗

張方平





賜手札問詔所不及者侍御史何郟乞詔兩制臣僚自今有聞朝政闕失並許上章論列帝嘉納之

解宋史上記仁宗曾臨幸龍圖天章閣召見輔弼大臣及御史中丞以上因出手詔問諸臣以時政欠闕差失處都給與紙筆著他就坐上開寫以對當時諸臣皆有奏答內翰林學士張方平條答汰冗兵退剽買慎磨勘擇將帥四事帝見其所言切于治道深加驚嘆明日早又賜手勅詢問他昨日詔書上所不及的事著他一一奏來又有侍御史何郟上言翰林管內外制文

的諸臣原是爲備顧問而設乞詔諭他今後但是朝政有闕失得于見聞之真者並許他上疏論列直言無隱以助聖化仁宗因何郟說的有理也欣然從之蓋仁宗求治之心甚切故引見羣臣面加咨詢使之條對惟恐忠謀讜論不得上達及聞張方平等直言又復虛心延訪嘉獎聽受所以那時朝政修舉海內治平爲宋朝守成之令主也

宋史紀仁宗嘗語近臣昨因不寐而飢思食燒羊曰何不取索曰恐遂爲例可不忍一夕之飢而啟



無窮之殺或獻蛤蜊二十八枚枚千錢曰一下筋費一萬八千吾不堪也

解宋史上記仁宗一日對近臣說朕昨夜因睡不著腹中覺飢想此燒的羊肉喫近臣因問說何不令人取進仁宗說恐膳房因此遂為定例夜夜要辦下燒羊以備取用則傷害物命必多豈可恣口腹之欲不忍一夕之飢而忍於殺害無窮之生命乎因此遂止又一日有獻蛤蜊二十八枚者說一枚價直錢千文仁宗說一下筋之間就費了一萬八千文錢似此享用無度我

豈能堪遂不受其獻仁宗在宋朝最為仁厚之主觀其不忍於害物如此則其不忍於傷民可知故能致治昇平而享祚悠久也

宋史紀仁宗幸後苑御寶岐殿觀刈麥謂輔臣曰朕作此殿不欲植花卉而歲以種麥庶知稼穡之不易也

解宋史上記仁宗留意農事宮中後苑裡有空地都使人種麥又於其地建一小殿名叫寶岐殿麥一莖雙穗謂之岐此豐年之祥最宜寶重故以為殿名每年麥熟時仁宗親自臨幸後苑



帝盤圖說四

後



後死觀麥

帝盤圖說四

三

坐寶岐殿看人割麥論隨駕的輔臣說道宮殿前似當栽植花卉以供賞翫今朕造此殿獨不種花卉但年年種麥此是何故蓋以我深居九重無由知稼穡之艱難所以種麥於此要看他耕種耘鋤庶幾農家之苦時時在吾目中也大抵四民中惟農爲最苦春耕夏耘早作暮息四體焦枯終歲勤動還有一飽食者古人有詩云鋤禾日當午汗滴禾下土誰知盤中食粒粒皆辛苦眞可謂格言矣古之賢君知此所以極其憫念力爲賑卹而民卒受其福後世人主

生長富貴不知稼穡爲何物荒淫佚樂惟恐不暇而何暇恤農也仁宗以天子之尊親臨農夫之事知惓惓於稼穡如此則其恭儉仁恕卓越近代不亦宜乎

宋史紀神宗時東北大旱詔求直言鄭俠上流民圖疏奏帝反覆觀圖長吁數四袖以入內是夕寢不能寐翌日遂命開封體勘新法不佞者凡十有八事罷之民間譁呼相賀是日果大雨遠近沾洽解宋史上記神宗時行了王安石的新法擾害百姓人不聊生到熙寧七年間天又大旱年歲



帝鑑圖說四
飢荒東北一帶的百姓都流移轉徙死亡離散其艱難困苦之狀實爲可憐那時有一箇官是光州司法參軍叫做鄭俠因考滿赴京在路上看見那流民的模樣心甚不忍說道小民這等窮苦朝廷如何知道乃照那樣子畫一本圖形叫做流民圖其中有採樹葉掘草根充飢的有衣衫破碎沿途討喫的有餓死在溝渠的有扶老携幼流移趁食的有戀土不去被在官公人比較差徭拷打枷鎖的有折屋卸房鬻兒賣女變價納官的——都畫將出來到京之日將這


圖本進在御前奏說只因新法不善致的百姓這等傷了天地的和氣所以久旱不雨如今要天降雨須是把新法革去不行纔好神宗將此圖反復看了幾遍纔曉得新法之害與民間之苦如此甚是感傷懊悔長嘆數四袖了入宮一夜不能睡著到明日傳旨著在京開封府官查那新法爲民害者共有一十八件都罷革不行宋當時京城內外的百姓聽說如此以爲從此得生人人譁呼相慶卽日天果大雨處處田苗俱各沾濡充足夫人君一去敝政便能感動天地

如此可見爲民祈禱者在實政不在虛文而祖宗舊法慎不可輕變也

宋史紀蘇軾爲翰林學士嘗宿禁中召見便殿太皇太后問曰卿今何官對曰待罪翰林曰何以遽至此對曰遭遇太皇太后皇帝陛下曰非也此先帝意也先帝每誦卿文章必嘆曰奇才奇才但未及進用卿耳軾不覺哭失聲太皇太后與帝亦泣左右皆感涕已而命坐賜茶撤御前金蓮燭送歸院


解宋史上記蘇軾在神宗時被小人排抑一向

貶謫在外至哲宗登極纔取他做翰林學士宋朝翰林院設在禁中每夜有學士一員輪流直宿以備不時顧問有一夜遇蘇軾談直哲宗的祖母太皇太后與哲宗同御便殿宣蘇軾入見太皇太后問蘇軾卿如今做甚麼官蘇軾對說待罪翰林學士謂之待罪者說他不稱此官惟待罪責而已譏詞也太皇太后又問學士是美官卿一向流落江湖怎能勾到此地位蘇軾乃歸恩於上說道臣幸遭遇太皇太后及皇帝陛下見知故得到此耳太皇太后說非我用卿乃



亭臺園苑

里



燭送詞臣

皇太后

宋哲宗

蘇軾

亭臺園苑

里

先帝神宗意也。先帝每讀卿的奏疏文章，必歎美說奇才。奇才不久，先帝遂晏駕，故未及用卿耳。今我用卿爲此官，實承先帝之意也。蘇軾因此追感先帝，知遇不覺痛哭失聲。太皇太后與哲宗也相向而泣。那時左右內臣也都感傷流涕。太皇太后賜蘇軾坐，又賜他茶喫。將退時，撤御前的金蓮燭送他歸院。看那時人君接見臣下，問答從容，禮數款洽，藹然如家人父子一般。所以爲臣的感激主恩，不覺悲泣。君臣間是何等景象。史稱宋朝以忠厚立國，又言其竟得尊

賢敬士之報，豈不信夫。

右善可爲法者八十一事。臣等既論次終篇，乃作而嘆曰：嗟乎孟軻稱五百年而後有王者興，傳曰千年一聖，猶旦暮也。詎不信哉。夫自堯舜以至於今，代更幾世，主更幾姓矣。而其可取者三十餘君而已。中間又或單舉一善節取一行，究其終始尚多可議。其完善鑠懿卓然可爲世表者，纔什一耳。可不謂難哉。天祐我

明

聖神繼作臣等嘗伏讀我

祖宗列聖實錄仰稽

創守鴻規則前史所稱聖哲之事無一不備者略

舉其槩如

一祖之開基靖難身致太平則堯舜湯武功德兼

焉

典則貽休

謨烈啓後則漢綱唐目巨細具焉

昭皇帝之洪慈肆宥培植國脉則解網澤骨之仁

也

章皇帝之稽古右文勵精圖治則弘文延英之軌

也

睿皇帝之聘禮處士訪問治道則蒲輪玄纁之舉

也

純皇帝之親愛諸王厚遇邸邸則敦睦友于之風

也

敬皇帝之延見羣臣曲納讜直則揭器止輦之明

也

肅皇帝之心存敬一治本農桑則丹書無逸之箴

也

皇考穆宗莊皇帝之躬修玄默服戎懷遠則垂衣
舞干之化也其他片言之善一事之美又不
可以殫述蓋

明興纔二百餘年而

賢聖之君已不啻六七作矣以是方內乂安四夷

賓服重熙襲洽迭耀彌光致治之美振古罕

儷焉猗歟休哉豈非乾坤光岳之氣獨鍾於

昭代河清里社之兆並應於

今日哉詩云下武維周世有哲王王配於京世德

作求我

明世德蓋軼有周而特盛矣今
皇上睿哲挺生

膺期撫運又將覲

光揚

烈以遠追二帝三王之治焉臣等何幸躬逢其盛

